



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

De imitatione sanctissimæ vitæ Domini nostri Iesu Christi. XVII.

[urn:nbn:de:hbz:466:1-45790](https://nbn-resolving.de/urn:nbn:de:hbz:466:1-45790)

Vbi terrena sapientia deficit, ibi diuina prote^ctio amplius est in-
vo^canda. Quicumque malitiosè iniusta prætendit, ipse malum
finem consequetur. Pax multa bene agenti, & ad patientiam se
præparanti. Ve impio in malo, & fieri in bono: quia nemini plus
nocet iniquitas eius, quam illa ipsi. Vbi duplicitas, ibi inconsi-
stia & multa nequitia. Bene simplici & iusto sine dolo, quia Deus
cum eo, dirigen^s omnia opera eius itinere recto. Qui verbum
suum malè seruat, quis facilè ei credet? Qui autem verbum suum
in melius mutat, verbum veritatis non infringit.

Iacob. 1.

5. Delectabile est bona audire, sed laudabile magis opere ex-
ercere. Optima collatio, vita emendatio. Fructus bonæ collatio-
nis, abstinere à peccatis, & proficere in virtutibus. Fructus devo-
tæ orationis, unire cor suum cum Deo, in fero^re sancti Spiritus.
Ille deuotè orat, qui omnia vana à se excludit. Qui imaginem
crucifixi sibi præponit, diabolica phantasma citò repellit. Pul-
chra animæ imaginatio, passionis Christi iugis recordatio. Qui
sacra Iesu vulnera quotidie pensat, mentis suæ vulnera mitigat,
purgat, & curat. Qui omnia terrena tanquam lutum vilipendit,
nec honores desiderat; cordis munditiam acquirit, & Deo liberè
vacare potest. Ille Deum summè laudat & honorat, qui seipsum
profundè humiliat, & defectus suos cautè considerat, gemit, &
plorat. Magnus clamor in auribus Dei, vera contritio cordis ex
ore humilis peccatoris.

4. Quicquid boni facis, ad laudem Dei facias. Qui virtutes suas,
& aliorū quælibet opera bona, simpliciter & integrè, purè & libe-
rè ad laudem & honorem Dei referit, totum Deo ascribendo, nil
meritis suis nec viribus attribuendo, sed ab omnibus se spoliat &
denudat, superbiam, inuidiam, & vanam gloriam funditus calcat
& necat. Æterna namque gloria & honore se priuat, qui in se &
non in Deo solo summo bono gaudet. Ideoque beata Virgo Ma-
ria, pro maximis donis sibi collatis, in suo deuotissimo cantico
iubilans, dicit: Exultauit spiritus meus, in Deo salutari meo. Qui Luce 1.
se aliquid esse putat, cùm nihil sit, seipsum seducit, ait Apostolus Galat. 6.
Paulus. Qui in tertium cælum raptus, non est hoc elatus; sed
quicquid boni fecit, docuit, & dictauit, hoc totum fideliter Deo
attribuit, dicens: Gratia Dei sum id, quod sum.

1. Cor. 15.

CAPVT XVII.

De imitatione sanctissima vita Domini nostri Iesu Christi.

Matt. 25.

Qui quo-

modo Ie-
sum vel i-
mitantur,
vel in o-
gente subuenit, Iesum per manū retinet: Qui onus sibi impositum norent.

Qui

modo

Ie-

sum

L 1

patien-

patienter sustinet Iesum & hunc crucifixum in humeris suis portat. Qui fratri contristato solatio sum verbum respondet, oculum amorum ori Iesu tribuit. Qui alterius culpam plangit, & pro con veniam petit, pedes Iesu lauat & extergit. Qui irascentem ad pacem reformat, lectulum floridum Iesu in anima parat. Qui frati in mensa meliora quam sibi apponit, Iesum charitatis dapibus & fauo mellis pascit. Qui bonas meditationes de Deo assumit, Iesum in thalamum cordis sui introducit. Qui fratri librum sacra lectionis porrigit, vinum optimum ori Iesu propinat. Qui ociosa verba loqui prohibet, muscas de mensa Iesu expellit. Qui detractiones audire renuit, & loquentes inhonesta corripit, nigrum canem de domo Iesu baculo ferit & fugat. Qui inter refactionem bene & distincte legit, conuiuentes in mensa Iesu poculo calefactat, & inebriat siti entes. Qui malè legit, saporem cibiniuit, & qui sape titubat, mappam Iesu maculat.

2. Qui mala alterius audit, & multum inde dolet & gemit, sacer Iesu vulnera tangit & perungit. Qui bona exempla & virtutes de proximo suo narrat, pulchros flores oculis Iesu representat. Qui verba Iesu deuotè legit & prædicat, in naribus audiendum dulcia aromata spargit. Qui defectus alterius piè portat & excusat, misericordiam Iesu citò impetrabit. Qui diffamiam alterius & scandalum proximi occultat, nuda Iesu membra vestibus tegit. Qui diuina miracula & humilia Christi opera scedula cogitat & suauiter ruminat, mel & lac ex ore Iesu accipit. Sicut nim beatissima Agnes dixit & fecit, quæ etiam pro amore Iesu sanguinem suum fudit. Qui pro debili & infirmo fratre legit & cantat, ante incunabula Iesu cum Angelis iucundè citharizat. Qui deuotè orat, & à delicatis cibis abstinet, & proprijs rebus renunciat, cum sanctis Magis tria preciosa munera Iesu manibus offert. Qui capitia fratrum ac vestes lauat, cum sancto Ioanne Baptista Iesum baptizat. Qui cellam suam custodit & racet, cum Iesu deserto intrat. Qui vitijs resistit & corpus castigat, cum Iesu ieiunat. Qui fratri salutare verbum dicit, cum Iesu regnum Dei prædicat. Qui pro infirmo & tentato fideliter orat, cum Iesu Lazarum visitat, & cum Maria & Martha plorat.

3. Qui pro fidelibus defunctis Missas celebrat & vigilias legit, cum Iesu ad monumentum Lazari transit, orans ut animas à peccatis misericorditer liberet. Qui cum fratribus ad commune refectorium vadit, ut sacram lectionem audiat, cum Iesu & discipulis eius cœnat & bibit. Qui eloquia Dei in mensa lecta in corde suo recondit, cum sancto Ioanne Apostolo supra pectus Iesu in cœna recumbit. Qui in aduersis humiliter & promptè obedit, Iesum veraciter cum discipulis in montem Oliuetti sequitur, ubi

D. Agnes.



eraditus & captus fuit. Qui in tribulacione & tentatione inseparabiliter & feruenter orat, cum Iesu in agonia contra diabolum pugnat. Qui suum velle & nolle totaliter relinquit, cum Iesu voluntatem Patris sui gratanter implet, & crucem in Calvariam portat. Qui pro aduersariis suis orat, & in se peccantibus libenter indulget, cum Iesu pro inimicis rogat, ne male pereant: sed conuertantur ad Deum, & viuant. Qui omnibus, quae sunt mundi, sponte renunciat, & cuncta visibilia oblationi tradit, cum Iesu in cruce moritur, & cum Paulo in paradisum rapitur.

4. Qui cor suum mundum & quietum seruat, Iesum in sindone munda inuoluit, & in corde sepelit. Qui in seruorio Iesu usque in finem perseverat, cum Iesu in sepulchro suaniter dormit & requiescit. Qui beata virginis Mariae in doloribus eius compatitur, hic iterum ab ea in angustijs suis, cum pio filio eius Iesu consolari meretur. Qui omnia verba & gesta Iesu mente recolit, & dente conterit, dulces aromatum species illi preparat, quæ ad solatium animæ tristis optimè valent. Qui de beneficijs sibi collatis humiliter & deuotè gratias agit, cum Maria Magdalena ad monumentum Iesu cum aromatibus venit. Qui post contritionem & confessionem peccatorum, firmiter se emendare proponit, cum Iesu à morte culpa resurgit. Qui torporem mentis abiicit, & nocturnum ferorem arripit, nouum Pascha in spiritu cum Iesu celebatur, & alleluia cum eo in choro iubilans cantat. Qui omnia sexculi gaudia spernit, pericula fugit, religiosam vitam querit & acceptat: cum Iesu & discipulis eius coenaculum clausum intrat, ut in secreto liberius Deo seruat, purius vivat, & spiritum sanctum pleniū accipiat. Qui omnia temporalia neghigit, & in meditatione sancta ad cælestia totus inardescit, cum Iesu ad cælos pergit & ascendit. Beata anima, cui Christus vivere est, & mori cum Christo lucrum. Oportet quod si biipsi moriatur, qui Christo vivere desiderat. Oportet quod omnia caduca relinquat, cui Christus sapere & dulcescere debet. Labor est in relinquendo, dolor in moriendo, sed æterna salus & vita cum Christo feliciter regnando. O quando hoc erit, ut solus Deus mihi totus sit, & ego illi totus intentus & vñitus? Quamdiu enim anima fidelis non est Deo unita in gloria, non potest plenè esse beata. Sequere ergo Christum passibus amoris in vita tua, per fidem charitate feruenter: ut dignus sis videre cum facie ad faciem, Angelos beatificantem. Ad quam intuendam nos omnes perducere dignetur Iesus Christus post mortem, qui pro omnibus nobis amaram pertulit crucem, Amen.

Phil. 1.